



Pou Piblikasyon Imedya: 21/07/2022

GOUVÈNÈ KATHY HOCHUL

**GOUVÈNÈ HOCHUL ANONSE ACHÈVMAN RANPLASMAN PON STATE ROUTE  
34B KI KOUTE 18.4 MILYON DOLA NAN KONTE TOMPKINS**

*Nouvo pon sou Salmon Creek nan Vil Lansing amelyore sekirite ak mobilite plizyè  
mòd sou konektè kle a ale nan atraksyon Finger Lakes yo*

*Pwojè a konplete "Southern Tier Soaring" lan - Estrateji global rejyon an pou  
revitalize kominate yo epi devlope ekonomi an*

*Foto yo disponib [isit la](#)*

Gouvènè Kathy Hochul te anonse jodi a ke gwo konstriksyon an te fini sou novo pon ki transpòte State Route 34B sou Salmon Creek nan Vil Lansing, Konte Tompkins. Pwojè 18.4 milyon dola a te ranphase estrikti orijinal la, ki te bati an 1930, avèk yon pon modèn ki gen estrikti an asye ki amelyore sekirite ak amelyore mobilite sou yon konektè kle pou sikilasyon moun ak komès nan rejyon an. Nouvo pon an gen ladan akotman uit pye lajè pou bay plis espas pou machin pou andikape yo soti sou wout la epi pou pi byen akomode pyeton ak siklis yo.

"New York rete fèm nan angajman li pou modènize rezo transpò eta nou an epi bay lokalite yo ak ekonomi regional yo enfrastrikti yo bezwen pou yo rete konpetitif", **Gouvènè Hochul te deklare.** "Pon sa a te bay koneksyon vital pandan plizyè deseni, li sèvi kominate lokal la ak yon bann vizitè ki vin jwi trezò natirèl rejyon Southern Tier ak Finger Lakes yo. Pandan n ap kontinye rebati pi solid nan pandemi an, n ap double efò nou pou bay priyorite ak enfrastrikti ki soutni koneksyon kle yo, sipòte tout mòd vwayaj ak amelyore sekirite pou tout moun".

"Ranphase enfrastrikti pon demode nou an enpòtan anpil pou asire sekirite ak mobilite pyeton, siklis ak chofè yo", **Gouvènè Adjwen Antonio Delgado te deklare.** "Nouvo pon avèk estrikti asye anlè Salmon Creek nan Vil Lansing lan pral asire kwasans ak vitalite kontinyèl rejyon sa a".

State Route 34B pase sou rivaj lès Lak Cayuga epi li se yon pati entegral nan Santye Diven Lak Cayuga popilè a. Wout la konekte Vil Ithaca ak Vil Auburn, ki pase ant Lak Cayuga ak Lak Owasco nan Rejyon Finger Lakes New York. Pon an transpòte prèske 7,500 machin pa jou epi li sitiye sou wout otobis enpòtan pou Tompkins Consolidated

Area Transit (TCAT) ak Distri Lekòl Santral Lansing (Lansing Central School District), ki gen lekòl ki sitiye nan sid pon an.

Planifikasyon pou ranplase pon anvan an te kòmanse an 2010 epi konstriksyon an te kontinye atravè pandemi COVID-19 la pou mennen pwojè sa a atravè dènye faz la. Nouvo estrikti a fèt ak asye ki rezistan ak move tan epi li ranplase ansyen pon avèk ak tanpon an asye ki ouvri ki te premye konstwi an 1930. Yo te itilize yon konsepsyon janm an asye enkline nan yon efò pou kenbe kèk nan karakteristik inik nan estrikti anvan an, ki te prezante yon sipò ki gen fòm ak pou pon an.

Nouvo pon an kouvri 500 pye, twouve li nan 120 pye anlè Salmon Creek, epi elaji lajè pon an soti nan apeprè 29 pye rive nan 40 pye. Avèk yon estimasyon dire lavi ki se 75 ane, li se estrikti ki pi long nan Eta New York ki itilize modèl sipò janm an asye enkline.

**Komisè Depatman Transpò Eta New York Ia, Marie Therese Dominguez, te deklare**, "Nouvo pon an anlè Salmon Creek se yon lòt temwayaj sou angajman Gouvènè Hochul te pran pou l kontinye modènize enfrastrikti New York la, epi li reprezante rezistans ekstraòdinè Nouyòkè yo. Nou te kòmanse travay sou pwojè sa a nan menm ane ke COVID te vini nan Eta New York, men nou pa te sispann travay. Ekip nou an te simonte pwoblèm chèn apwovizyonman, kenbe yon liy komunikasyon ouvri ak kominote lokal la pou asire pwojè a t ap satisfè bezwen yo, epi, sa ki enpòtan, te fè tout sa ki nesesè pou kenbe travayè yo an sekirite. Gras a ekip devwe nou an nan NYSDOT, ak tout moun ki enplike nan konstriksyon pwojè sa a, nou ka founi kominote Lansing ak Konte Tompkins, yon pon ki reflete rezistans New York fas a yon defi inik nan yon jenerasyon, pandan l ap bay koneksyon soutni ak sekirite amelyore pou tout itilizatè yo".

**Senatè Eta Pam Helming te deklare**, "Li te toujou priyorite mwen pou m defann finansman eta pou asire wout ak pon ki an sekirite nan kominote nou yo. Envestisman sa yo esansyèl pou sekirite publik k ap vwayaje ak vitalite ekonomik reyon an. Mwen remèsyé Komisè Dominguez ak Depatman Transpò Eta New York, Sipèvizè Vil Lansing Ed LaVigne epi ekip ak ampliwaye vil la ki travay di, Konte Tompkins, ak tout moun ki te sipòte pwojè sa a".

**Manm Asanble, Anna Kelles, te deklare**, "Mwen kontan anpil pou m wè achèvman pon State Route 34B anlè Salmon Creek nan Vil Lansing. Pwojè enfrastrikti esansyèl sa a se yon envestisman enpòtan nan kominote nou an, ki asire sekirite ak amelyore fasilité deplasman pou rezidan yo ak vizitè yo. Mwen kontan espesyalman ke nouvo pon an gen akotman 8 pye lajè pou amelyore sekirite pou pyeton ak siklis yo. Lè nou sipòte transpò dirab ak koneksyon nan reyon nou an, nou pral ogmante aksè nan rekreyasyon anplennè epi sipòte touris lokal".

N ap raple otomobilis yo ke kontravansyon yo double lè yo depase vitès limit nan zòn travay yo. Konfòmeman ak Lwa sou Sekirite Zòn Travay 2005 lan (Work Zone Safety Act), kondanasyon pou omwen de (2) oswa plis vyolasyon limit vitès nan yon zòn travay kapab lakòz yo revoke lisans yon moun.

Pou jwenn dènye enfòmasyon yo, rele 511, vizite [www.511ny.org](http://www.511ny.org), oswa sit mobil la nan m.511ny.org.

Swiv DOT Eta New York sou Twitter: @NYSDOT. Jwenn nou sou Facebook nan facebook.com/NYSDOT.

### **Akselere Southern Tier Soaring**

Anons jodi a vin konplemantre pwojè “Southern Tier Soaring”, ki se plan direktè global reyon an pou jenere kwasans ekonomik ki djanm ansanm ak devlòpman kominote a. Plan ki fèt nan nivo reyonal la konsantre sou atire yon mendèv ki plen talan, grandi biznis yo ak estimile inovasyon. Kounye a, reyon an ap akselere Southern Tier Soaring lan gras ak yon envèstisman 500 milyon dola Eta atravè Inisyativ Revitalizasyon Reyon Nò (Upstate Revitalization Initiative) a. Envestisman 500 milyon dola eta a pral ensite biznis prive yo pou yo envesti.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418